

各位評判老師、各位好朋友，大家好，我是編號第 00 號，今仔日欲演說的題目是「學閩南語真心適」

早前若欲講台語，我是講甲「哩哩囉囉，竹篙鬥菜刀」，毋過現此時，我會當佇遮和逐家分享「學閩南語真心適」，感覺真歡喜。雖然佇厝裡加減有佇講，毋過嘛無講甲真輾轉，母語老師就勉勵我講：「捷講喙會順，捷做手袂鈍」有影我越講越有成就感，嘛體會著俗諺語的嬌，莫怪人講俗諺語是咱語言的結晶。

台話和華語有真濟全意思，毋過字是囡顛倒反的，親像華語的『颱風』，台語講「風颳」，華語講『客人』，台語講「人客」，華語講「公雞」，台語講是「雞公」，以早阮母語老師猶未教進前，攏毋知，現此時感覺真趣味。

電影內底，豬哥亮个講欲『冰』的，真正是欲『冰』的，毋是欲叫伊的部下去「反桌」，這意思若無問予好，真正會予人誤耽去。

母語老師抑有教阮朗讀，內底的文章，講著空中小姐，欲焯阿公、阿媽去揣座位，想講愛和阿公阿媽講母語，就共講：「阿公你是「D」，佇遮，恁某「C」佇邊仔」予我讀甲笑 gi-gi。

講著足心適的，猶有閩南語的八聲七調，就愛喙擘予開，講予明，老師教阮用八種動物的音來教阮記閩南語的聲調，「獅、虎、豹、鰲、猴、狗、象、鹿」閣有「衫、短、褲、闊、人、矮、鼻、直」的音來記，若是知影讀冊的銳角，就袂感覺真困難矣。

有讀著一首詩講：一兩三、穿新衫；四五六、冊愛讀；七八九、用頭腦；算到十、喙愛合。這首詩講穿新衫是新點點的開始，愛穿予嬌嬌予人恰意，「冊愛讀」上重要，愛阮學好模樣「用頭腦」，上尾句

「喙愛合」，一兼二顧訓練咬音，抑著是愛喙合合專心聽課，台語的詩，壓韻鬥句，實在真嬌氣，抑成做我的「金言玉語」。「心情」恰「新情」；「囡仔」恰「印仔」就愛分予清，認予明，若是走精去，意思就一丈差九尺矣。

講著孽譎仔話是真嬌氣閣有內才，將伊的意思隱藏佇文字內裡，老師會講阮「囡仔人興食蟬仔管」原來就是講阮「興講」，也就是愛講話；阮若無乖就講阮「矮人跔厝頂」——欠梯，也就是欠推的諧音，真有意思。

學閩南語真心適，祝福逐家，春風得意、富貴萬年。
我的演說到遮，感謝逐家。